



Broj: 09-41-1886/18  
Ilidža 18.05.2018. godine

18.05.2018. 22.16. sjednica  
23-05-2018

9574  
P2  
F. H. H. H.

OPĆINA ILIDŽA  
OPĆINSKI NAČELNIK

**PREDMET:** Utvrđivanje prijedloga Informacije o provođenju  
Zakona o pravima branilaca i članova njihovih porodica  
i Zakona o posebnim pravima dobitnika ratnih priznanja  
i odlikovanja i članova njihovih porodica, dostavlja se,-

Poštovani,

Ovim putem dostavljamo Vam Nacrt Informacije radi utvrđivanja prijedloga za sjednicu Općinskog vijeća Ilidža predviđenu za narednu redovnu sjednicu po usvojenom Programu rada vijeća, kao i CD sa navedenim podacima.

S poštovanjem!

**PRILOG:** - Nacrt informacije  
- CD

POMOĆNIK OPĆINSKOG NAČELNIKA

Mirsad Sinanović, dipl. politolog

**DOSTAVLJENO:** - Naslovu  
- Evidencija  
- a/a



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK  
SLUŽBA ZA BORAČKA PITANJA



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR  
WAR VETERAN'S DEPARTMENT

## INFORMACIJA

O PROVOĐENJU ZAKONA O PRAVIMA BRANILACA I  
ČLANOVA NJIHOVIH PORODICA I ZAKONA O POSEBNIM  
PRAVIMA DOBITNIKA RATNIH PRIZNANJA I ODLIKOVANJA  
I ČLANOVA NJIHOVIH PORODICA  
OD 01.01.2017. – 31.12.2017.

*PREDLAGAČ: Općinski načelnik  
Prof. dr. Senaid Memić*

*NOSILAC IZRADE:  
SLUŽBA ZA BORAČKA PITANJA*

*Ilidža, 05.05.2018 godine*

## INFORMACIJA

*o provođenju Zakona o pravima branilaca i članova njihovih porodica  
i Zakona o posebnim pravima dobitnika ratnih priznanja i odlikovanja  
i članova njihovih porodica*

Izrada Informacije o provođenju Zakona o pravima branilaca i članova njihovih porodica i Zakona o posebnim pravima dobitnika ratnih priznanja i odlikovanja i članova njihovih porodica predviđena je Programom rada Službe za boračka pitanja općine Iliđa i Programom rada Općinskog vijeća za 2018 godinu.

## ZAKON O PRAVIMA BRANILACA I ČLANOVA NJIHOVIH PORODICA

Zakon o pravima branilaca i članova njihovih porodica ("Službene novine Federacije BiH", broj: 33/04) stupio je na snagu 20.06.2004. godine, pretrpio je izmjene br. 56/05, 70/07, 09/10 i 90/17)

Navedenim Zakonom uređeni su uvjeti, način i postupak za ostvarivanje prava ratnih vojnih invalida i članova njihovih porodica, članova porodice šehida, članova porodice poginulih, umrlih, nestalih i prava demobiliziranih branilaca kao i lica zaslužnih u odbrambeno – oslobodilačkom ratu i druga pitanja iz oblasti boračko – invalidske zaštite.

## I PRAVA RATNIH VOJNIH INVALIDA

Pod uslovima propisanim Zakonom o pravima branilaca i članova njihovih porodica ratni vojni invalid ima pravo na:

- ličnu invalidninu
- dodatak za njegu i pomoć od drugog lica
- ortopedski dodatak

Prema procentu invaliditeta ratni vojni invalidi su razvrstani u deset grupa te dajemo tabelarni prikaz našeg broja korisnika po kategorijama i vrsti prava sa pripadajućim mjesečnim novčanim iznosima po Instrukciji Federalnog ministarstva za pitanja boraca i invalida odbrambeno-oslobodilačkog rata za mjesec april 2017. godine sa koeficijentom 0,965257, čija osnovica iznosi 867,50 KM

## RVI – LIČNA INVALIDNINA (1992 – 1995. GODINE)

GRUPA	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17 – 12/17
I	38	837,36	31.819,68	395.233,92
II	57	611,27	34.842,39	416.274,87
III	49	460,55	22.566,95	278.632,75
IV	93	360,07	33.486,51	403.278,40
V	141	267,96	37.782,36	454.996,08
VI	192	150,73	28.940,16	340.649,80
VII	151	108,86	16.437,86	197.670,00
VIII	169	58,62	9.906,78	117.591,72
IX	227	50,24	11.404,48	138.310,72
X	209	41,87	8.750,83	106.810,37
UKUPNO	1.326		235.938,00	2.849.448,63



## RVI – DODATAK ZA NJEGU I POMOĆ OD DRUGOG LICA

Pravo na dodatak za njegu i pomoć od drugog lica imaju ratni vojni invalidi od I do III grupe, koji su nesposobni za vršenje osnovnih životnih potreba bez pomoći drugog lica, a razvrstani su u tri stepena.

STEPEN	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17 – 12/17
I	31	837,36	25.958,16	324.895,68
II	6	586,15	3.516,90	42.202,80
III	4	418,68	1.674,72	16.496,64
UKUPNO	41		31.149,78	383.595,12

## RVI – ORTOPEDSKI DODATAK

Pravo na ortopedski dodatak ima ratni vojni invalid kome je nadležna ljekarska komisija utvrdila vojni invaliditet zbog oštećenja organizma koja su neposredno posljedica zadobijene rane, povrede, bolesti ili pogoršanja bolesti koja je prouzrokovala amputaciju ekstremiteta ili teško oštećenje funkcije ekstremiteta, kao i zbog gubitka vida na oba oka ili enukleacije jednog oka. Navedena oštećenja organizma razvrstana su u tri stepena prema težini, vrsti i uzroku oštećenja.

STEPEN	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17 – 12/17
I	80	242,84	19.427,20	238.468,88
II	86	184,22	15.842,92	189.930,82
III	202	142,35	28.754,70	345.910,76
UKUPNO	368		64.024,82	774.310,46

U izvještajnom periodu umrlo je 27 ratnih vojnih invalida (prestanak prava).

Prema članu 46. Zakona vojni invaliditet, pravo na dodatak za njegu i pomoć od drugog lica, ortopedski dodatak, nesposobnost za privredivanje kao i uzrok smrti ratnog vojnog invalida utvrđuje se na osnovu nalaza i mišljenja nadležnih ljekarskih komisija iz člana 47. Zakona. Ljekarsku komisiju koja daje nalaz i mišljenje u prvostepenom postupku čine dva člana i to ljekari specijalisti, a trenutno ove poslove obavlja Institut za medicinsko vještačenje sa sjedištem u Sarajevu. Obzirom da je nalaz i mišljenje ljekarske komisije jedan od osnovnih dokaza u postupku ostvarivanja prava po odredbama navedenog zakona, federalni ministar je donio Instrukciju o načinu i postupku pribavljanja nalaza i mišljenja nadležnih ljekarskih komisija čiji se određaba ova Služba u svom radu pridržava.

U predmetima lične invalidnine dostavljeno je 20 zahtjeva (12 zahtjeva odbijenih i 2 uvažena zahtjeva 6 odbačena zahtjeva).

Po službenoj dužnosti 27 predmeta, svi riješeni.

Na ljekarsku komisiju smo poslali 16 predmeta svi riješeni. Od 7 uložених žalbi 4 su odbijene 3 uvažene 1 riješenu žalbu (ranije odbijena).

U nadležnost smo ustupili 12 predmeta, a prihvatili 8 predmeta.

U toku godine pokrenuto je 11 upravnih sporova, od čega 3 tužbe riješene (odbijene) 1 postupak obustavljen (umiro RVI) 7 upravnih sporova neriješeno, a 1 tužba je dobijena tj. riješena. U navedenom periodu, riješeno je 18 ranije pokrenutih upravnih sporova ( pozitivno za stranku 15 negativno za stranku 3).



Zakon o provođenju kontrole zakonitosti od početka revizije do danas:

Ukupan broj RVI	1326
Broj izdatih rješenja po izvršenoj reviziji	1221
Broj RVI kojima je potvrđen procenat invalidnosti	1080
Broj RVI kojima je povećan procenat invalidnosti	28
Broj RVI kojima je umanjen procenat invalidnosti	89
Broj RVI kojima je procenat invalidnosti ispod 20%	13
Broj RVI koji se nisu odazvali pozivu Ljekarske komisije	6
Broj RVI za koje je izdat obrazac FMB-2 te direktno izvedenih iz prava	9

Članom 54. Zakona o pravima branilaca i članova njihovih porodica propisano je da nadzor nad primjenom Zakona vrši Federalno ministarstvo za pitanja boraca i invalida odbrambeno – oslobodilačkog rata.

## II PRAVA ČLANOVA PORODICE POGINULOG, UMRLOG, NESTALOG BRANIOCA I UMRLOG RATNOG VOJNOG INVALIDA

Prava članova porodice poginulog, umrlog, nestalog branioca i umrlog ratnog vojnog invalida su:

1. porodična invalidnina
2. uvećana porodična invalidnina
3. pomoć u slučaju smrti

### 1. Porodična invalidnina

Pod uvjetima propisanim u članu 20. Zakona pravo na porodičnu invalidninu imaju članovi porodice poginulog, umrlog, nestalog branioca i to: udovica ili udovac; djeca rođena u braku ili van braka; usvojenici ili pastorčad; roditelji i usvojioци; očuh i maćeha; dedo i nana – po ocu i majci; maloljetna braća i sestre kao i braća i sestre nesposobni za privređivanje.

Osnovica za određivanje mjesečnih novčanih primanja, pa tako i porodične invalidnine, prema članu 12. stav 2. Zakona, utvrđena je u početnom iznosu od 867,50 KM i ista se utvrđuje početkom svake godine u zavisnosti od kretanja indeksa maloprodajnih cijena, sa koeficijentom 0,965257 prema podacima Federalnog Zavoda za statistiku iz prethodne godine i visine raspoloživih sredstava planiranih u federalnom budžetu za tekuću godinu. U slučaju da sredstva planirana za isplate mjesečnih novčanih primanja u federalnom budžetu za tekuću budžetsku godinu iznose manje od iznosa sredstava potrebnih za isplatu u visini utvrđene osnovice, primjenjuje se koeficijent za obračun.

U predmetima porodične invalidnine po službenoj dužnosti je od 227 predmeta riješeno je 227 predmeta. Od podnijetih 25 zahtjeva svi riješeni.

Izjavljena je 2 žalba od kojih je jedna odbijena a druga upućena na ponovni postupak. Nije pokrenut niti jedan upravni spor. Na ljekarsku komisiju uputili 10 predmeta radi utvrđivanja uzročno-posljedične veze.

U nadležnost smo primili 12 predmeta a ustupili u nadležnosti drugim službama 8 predmeta.

Prema Uredbi Vlade Federacije donijeta je Instrukcija Federalnog ministarstva za pitanja boraca i invalida odbrambeno – oslobodilačkog rata, o načinu obračuna sredstava invalidnine broj:04-41-3241-4/09 od 14.09.2009.godine sa koeficijentom 0,965257., čija osnovica iznosi 867,50 KM po kojoj se vrši usklađivanje visine mjesečnih novčanih primanja korisnika boračko invalidske zaštite u Federaciji BiH.

Dajemo tabelarni prikaz broja korisnika prava na porodičnu invalidninu sa pripadajućim mjesečnim iznosima prema posljednjem obračunu, razvrstan prema kategorijama kako slijedi:



## PORODIČNA INVALIDNINA – SUPRUGE I DJECA

KATEGORIJA	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17- 12/17
1 član	948	360,07	341.346,36	4.041.785,65
2 člana	72	460,55	33.159,60	506.144,45
3 člana	1	502,42	502,42	21.101,64
4 člana	--	544,28	--	--
1/2 od 2 člana – podjela	7	230,27	1.611,89	29.704,83
1/3 od 3 člana – podjela	--	167,47	--	--
2/3 od 3 člana – podjela	--	334,94	--	--
Supruge bez djece sa prihodima	10	167,47	1.674,70	19.593,99
Supruge mlađe od 45g - djeći prestatlo pravo	10	360,07	3.600,70	48.848,33
<b>UKUPNO</b>	<b>1048</b>		<b>381.895,67</b>	<b>4.661.178,89</b>

Umrlo je 4 supruge, 18 djece je izašlo iz prava zbog prestanka školovanja i napunjenih 25 godina života.

## PORODIČNA INVALIDNINA – RODITELJI

KATEGORIJA	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17- 12/17
jedan roditelj neoženjenog	197	360,07	70.933,79	854.086,04
oba roditelja neoženjenog	97	418,68	40.611,96	498.647,88
1/2 roditelj neoženjenog	17	209,34	3.558,78	43.752,06
1 roditelj oženjenog sa prihodima	84	83,74	7.034,16	88.094,44
1 roditelj oženjenog bez prihoda	32	226,09	7.234,88	89.757,73
oba roditelja oženjenog bez prihoda	12	293,08	3.516,96	42.203,52
1/2 oba roditelja oženjenog bez prihoda	2	146,54	293,08	3.516,96
Oba roditelja oženjenog sa prihodima	17	125,60	2.135,50	26.250,40
1/2 oba roditelja oženjenog sa prihodima	3	62,80	188,40	2.260,80
<b>UKUPNO</b>	<b>461</b>		<b>135.507,51</b>	<b>1.648.569,87</b>

Umrlo je 74 roditelja

## 2. Uvećana porodična invalidnina

Djeca poginulog, umrlog, nestalog bratioca, bez oba roditelja imaju pravo na porodičnu invalidninu iz člana 21. Zakona, uvećanu za 35% od osnove za jedno dijete, 45% od osnove za dvoje djece, 55% od osnove za troje i više djece.

Članovima porodice koji ispunjavaju uvjete za priznavanje prava na porodičnu invalidninu na osnovu dva ili više poginulih lica, imaju pravo na jednu porodičnu invalidninu po sopstvenom izboru uvećanu za 20% od osnove za svako poginulo lice.



Roditeljima kojima je poginulo jedino dijete, odnosno ako imaju jedno ili više djece koja su nesposobna za privređivanje, porodična invalidnina uvećava se za 30% od osnovice.

**UVEĆANA PORODIČNA INVALIDNINA – DJECA BEZ OBA RODITELJA**

KATEGORIJA	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17– 12/17
1 dijete	8	293,08	2.344,64	32.531,88
2 djece	2	376,81	753,62	9.043,44
<b>UKUPNO</b>	<b>10</b>		<b>3.098,26</b>	<b>41.575,32</b>

**UVEĆANA PORODIČNA INVALIDNINA – RODITELJI POGINULOG JEDINOŠ DJETETA I VIŠE POGINULIH**

KATEGORIJA	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17– 12/17
Roditelji koji su izgubili jedino dijete	24	251,21	6.024,04	74.358,16
2 poginula	119	167,47	19.928,93	244.841,14
3 poginula	20	167,47	3.349,40	40.192,80
4 poginula	3	167,47	502,41	6.028,92
<b>UKUPNO</b>	<b>166</b>		<b>29.809,78</b>	<b>365.421,02</b>

Prema Zakonu o izmjenama i dopunama Zakona o pravima branilaca i članova njihovih porodica, Službene novine Federacije BiH br. 70/07. stupio na snagu 03.10.2007. godine, koji se primjenjuje od 01.01.2008. godine, po kojem prava pripadaju bračnim i vanbračnim drugovima poginulih ili umrlih branilaca, djeci bez oba roditelja kao i roditeljima ženjenog poginulog, umrlog ili nestalog branioca iza koga nije ostalo potomstvo.

**PORODIČNA INVALIDNINA – SUPRUGE UMRLIH RVI**

KATEGORIJA	BROJ KORISNIKA	MJESEČNI IZNOS koef. 0,965257	UKUPNO ZA MJESEC	UKUPNO 1/17– 12/17
I	--	--	--	--
II	7	305,67	2.139,69	25.368,93
III	6	230,27	1.381,62	11.513,50
IV	6	180,03	1.080,18	12.962,16
V	14	133,98	1.862,00	19.385,94
VI	18	75,36	1.356,48	15.524,16
VII	17	54,43	925,31	10.599,18
1/2	--	--	--	--
VIII	20	29,31	586,20	6.946,47
IX	13	25,12	326,56	3.818,24
X	22	20,93	460,46	5.399,94
<b>UKUPNO</b>	<b>123</b>		<b>10.118,50</b>	<b>111.518,52</b>

Umrle su 3 supruge ratnih vojnih invalida.



## PORODIČNA INVALIDNINA – SUPRUGE BEZ DJECE

KATEGORIJA	BROJ KORISNIKA	MJESEČNI IZNOS koef. 0,967257	UKUPNO ZA MJESEC	UKUPNO 1/17–12/17
Bez prihoda	3	360,07	1.080,21	12.962,52
Sa prihodom	5	167,47	837,35	10.048,20
UKUPNO	8		1.917,56	23.010,72

## ZAKON O POSEBNIM PRAVIMA DOBITNIKA RATNIH PRIZNANJA I ODLIKOVANJA I ČLANOVA NJIHOVIH PORODICA

Zakon o posebnim pravima dobitnika ratnih priznanja i odlikovanja i članova njihovih porodica ("Sl. Novine FBiH", broj: 70/05 i 61/06) stupio je na snagu 23.12.2005. godine a u primjeni je od 01.01.2006. godine. Ovim Zakonom uređeni su prava, uvjeti i postupak za ostvarivanje prava dobitnika ratnih priznanja i odlikovanja i članova porodice poginulih, umrlih i nestalih dobitnika ratnog priznanja i odlikovanja pripadnika Armije RBiH, Hrvatskog vijeća odbrane i Ministarstva unutrašnjih poslova za vojne zasluge u odbrambeno – oslobodilačkom ratu od 18.09.1991. godine do 23.12.1995. godine. Naša Služba vodi evidenciju o broju korisnika prava, prati promjene koje su od uticaja na korištenje ili prestanak prava na mjesečni novčani dodatak i o tome blagovremeno obavještavamo nadležno Federalno ministarstvo koje vrši obračun i isplatu navedenog prava. Prema našoj evidenciji sa naše općine pravo na mjesečni novčani dodatak dobitnika ratnih priznanja ili odlikovanja i članova uže porodice poginulog, umrlog ili nestalog dobitnika ratnog priznanja ili odlikovanja ostvarilo je: 68 dobitnik ratnog priznanja značke "Zlatni ljiljan", od toga 42 dobitnik "Orden Zlatni ljiljan sa srebrenim vijencem"<sup>1</sup>, dobitnika "Zlatna policijska značka – zvijezda"<sup>3</sup> dobitnik "Red hrvatskog trolista", 2 dobitnika "Srebreni štit", 5 dobitnika "Srebrna policijska značka – zvijezda"<sup>11</sup> i dobitnika "Red hrvatskog pletera",<sup>2</sup> dobitnika "Policijska medalja za hrabrost",<sup>1</sup> i 1 dobitnika "Partizanska spomenica", sve ukupno korisnika 68.—

KATEGORIJA	IMAJU MJESEČNI DODATAK	IZNOS MJESEČNOG NOVČANOG DODATKA	UVAŽEN ZAHTJEV ZA NASTAVAK ISPLATE	UKUPNO 4/14-3/15
"Zlatni ljiljan"	42	320,83 KM	17	25
"Zlatna policijska značka"- zvijezda	3	320,83 KM	1	2
"Policijska medalja za hrabrost"	1	320,83 KM	-	1
"Red hrvatskog trolista"	2	320,83 KM		2
"Partizanska spomenica"	1	320,83 KM	1	-
"Orden zlatnog ljiljana sa srebrenim vijencem"	1	320,83 KM	1	-
"Srebrna policijska značka" zvijezda	11	160,42 KM	6	5
"Srebreni štit"	5	160,42 KM	-	5
"Red hrvatskog pletera"	2	64,17 KM	1	1
UKUPNO	68		27	41





Osnovica za utvrđivanje mjesečnog novčanog dodatka prema pomenutom Zakonu je prosječna neto plaća isplaćena u Federaciji BiH u 2017 godini koja iznosi 860,00 KM u prethodnoj godini (Sl. novine Federacije BiH br 13/18.). Osnovica za utvrđivanje visine novčanog dodatka iznosi 50% od osnovice koja iznosi 841,66 KM (šestočetrdesetjedan i 66/100 KM Odluka Vlade FBiH, V broj 814/2012 za nosioce ratnih priznanja / odlikovanja "Zlatni lilijan", "Zlatna policijska značka – zvijezda", "Policijska medalja za hrabrost", "Orden Zlatnog lilijana sa srebrenim vijencem", "Red hrvatskog trolista" i nosioca "Partizanska spomenica 1941", koji su na evidenciji naše Službe, a prema urađenim rješenjima iznosio je 320,83 KM mjesečno. Mjesečni novčani dodatak za ratno priznanje / odlikovanje "Srebrena policijska zvijezda" i "Srebreni štit" iznosio je 25% od osnovice ili po rješenju 160,42 KM mjesečno. Mjesečni novčani dodatak za ratno priznanje / odlikovanje "Red hrvatskog piteera" iznosio je 10% od osnovice ili 64,17 KM.

*Dobitnici ratnih priznanja imaju prava na sva prava regulirana Zakonom o pravima branilaca i člana njihovih porodica (Službene novine Federacije BiH" br:33/04) i drugim propisima iz oblasti boračko –invalidske zaštite, kao i pravo na :*

1. *njegu i pomoć drugog lica pod uslovima propisanim Zakonom;*
2. *obavještanje o smrti putem javnih medija ,organizovanje ukopa-sahrane uz državne počasti i pravo na ukopno mjesto na lokacijama zaslužnih ličnosti;*
3. *naknada troškova ukopa –sahrane i podizanje nišana, odnosno nadgrobnih spomenika;*
4. *zdravstvenu zaštitu, liječenje u inozemstvu, banjisko liječenje u obimu koji je propisan za vojne invalide;*
5. *prioritet pri zapošljavanju pod jednakim uslovima;*
6. *prioritet pri korištenju programa nadležnih službi za zapošljavanje pod jednakim uslovima;*
7. *novčanu naknadu za vrijeme nezaposlenosti;*
8. *prioritet upisa u obrazovne ustanove pod jednakim uslovima besplatne obavezne udžbenike za redovno školovanje;*
9. *prioritet pri dodjeli stipendija i smještaju u đačke i studentske domove za redovne učenike i studente pod jednakim uslovima;*
10. *prioritet pri rješavanju stambenog pitanja pod jednakim slovima;*
11. *prioritet pri zakupu ili otkupu poslovnog prostora pod jednakim uslovima;*
12. *oslobađenje od plaćanja naknade za pogodnosti i naknade za uređenje građevinskog zemljišta i obaveze naknade za za dodijeljeno gradsko-građevinsko zemljište;*
13. *povlastice u ddddgradskom prijevozu u skladu sa važećim propisima;*
14. *mjesečni novčani dodatak;*
15. *povoljniji uslovi penzionisanja;*

#### **NAPOMENA:**

***Izmjenama i dopunama zakona o posebnim pravima dobitnika ratnih priznanja i odlikovanja i članova njihovih porodica (Sl. novine Federacije br 9/10) ostvarivanje prava na mjesečni novčani dodatak uslovljeno je prihodovnim cenzusom i člana 1.citiranog Zakona nakon čega je uslijedila Presuda Ustavnog suda kojom je utvrđeno da prihodovni cenzus nije u saglasnosti s Ustavom FBiH, korisnici prava za boračka pitanja sa područja općine Ilidža su vraćeni u pravo i donijeta su rješenja o uspostavi prava na mjesečni novčani dodatak po osnovu ratnih priznanja kao uslov za ostvarivanje novčanih primanja a time je ispoštovano načelo jednakosti građana pred zakonom.***

Zakon o izmjenama i dopunama Zakona o pravima branilaca i članova njihovih porodica ("Sl. novine Federacije BiH", broj 70/07) se primjenjuje od dana stupanja na snagu 02.10.2007. godine, izuzev odredbi člana 6. st. 3 i 4. i čl. 7., 8., 10., 14. i 15. koje će se primjenjivati od 01.01.2008. godine.

O pravima propisanim Zakonom o izmjenama i dopunama Zakona o pravima branilaca i članova njihovih porodica odlučuje se po zahtjevima stranaka. Ukoliko su zahtjevi podneseni prije 01.01.2008. godine priznata prava pripadaju od 01.01.2008. godine, a ukoliko su zahtjevi



podneseni poslije 01.01.2008. godine priznata prava pripadaju od prvog dana narednog mjeseca po podnošenju zahtjeva, u skladu sa članom 32. Zakona o pravima branilaca i članova njihovih porodica.

Kako bi se obezbjedila jednoobrazna primjena odredaba Zakona o izmjenama i dopunama, ispoštovali Zakonom propisani rokovi i otklonile sve nejasnoće i dileme u primjeni Zakona, prvostepeni kantonalni organi nadležni za boračka pitanja postupaće u skladu sa ovom instrukcijom, kako slijedi:

1. U skladu sa Zakonom o odbrani Bosne i Hercegovine ("Službeni glasnik BiH", br. 88/05), prestalo je služenje vojnog roka sa 01.01.2006. godine, pa je s tim u vezi došlo do ograničavanja roka za sticanje svojstva mirnodopskog vojnog invalida. Eventualno podneseni zahtjevi rješavat će se ukoliko su podnoseni u roku iz člana 35. stav 2. Zakona o pravima branilaca i članova njihovih porodica (u daljem tekstu: Zakon), dakle rok iz navedenog člana odnosi se na lica koja su ranu, povredu, bolesti ili pogoršanje bolesti zadobili u periodu od 01.01. od 31.12.2005. godine, ali ne i ranije.

2. Utvrđivanje procenta invaliditeta po članu 11. Zakona vrši se licima kod kojih je pod okolnostima iz člana 3. Zakona nastupilo oštećenje organizma po osnovu oboljenja koje se pogoršalo pod tim okolnostima i oboljenja za koje se ne može pouzdano zaključiti da je prouzrokovano pod tim okolnostima, ali se može zaključiti da su ratni naponi uticali na njeno pogoršanje.

Prvostepeni organi su dužni u svim predmetima u kojima je u toku postupak za priznavanje svojstva ratnog vojnog invalida po osnovu oboljenja pogoršanog za vrijeme vršenja vojne dužnosti u Oružanim snagama postupiti kako slijedi:

- od nadležne ljekarske komisije pismeno tražiti ocjenu procenta invaliditeta uz primjenu člana 10. Pravilnika o utvrđivanju procenata vojnog invaliditeta (koja definiše ocjenu procenta po ovim oboljenjima) i člana 11. stav 1. Zakona. Ukoliko nadležna ljekarska komisija procenat invaliditeta utvrdi bez primjene člana 10. Pravilnika i člana 11. Zakona, prvostepeni i kantonalni organi su dužni sve spise predmeta vratiti nadležnoj ljekarskoj komisiji uz pismeni zahtjev za ocjenu invaliditeta u skladu sa članom 11. Zakona i članom 3. Zakona o izmjenama i dopunama, a u vezi sa članom 10. Pravilnika u kojem će se od ljekarske komisije zatražiti da se decidno izjasni da li se radi o oboljenju koje je postojalo i prije stupanja u Oružane snage te da li je služba u Oružanim snagama uticala na pogoršanje oboljenja, ili se radi o oboljenu nepoznate etiologije za koje se ne može pouzdano zaključiti da je prouzrokovano pod okolnostima vršenja vojne službe u Oružanim snagama, ali se može zaključiti da su ratni naponi uticali na pogoršanje oboljenja.

- u dispozitivu rješenja o priznavanju svojstva ratnog vojnog invalida, prvostepeni i kantonalni organi su obavezni navesti da se svojstvo priznaje po osnovu oboljenja koje se pogoršalo za vrijeme vršenja vojne dužnosti u Oružanim snagama.

U slučaju kada stranka podnese zahtjev za povećanje procenta invaliditeta po osnovu oboljenja iz navedenih članova Zakona a u vezi sa članom 10. Pravilnika, prvostepeni organi takav zahtjev neće uzeti u razmatranje, već će isti rješenjem odbiti u skladu sa odredbom članom 11. stav 2. Zakona.

3. Vanbračni drug neoženjenog poginulog, umrlog ili nestalog branioca sa kojim je imao dijete i sa kojim je živio u zajedničkom domaćinstvu najmanje godinu dana prije njegove smrti, odnosno stupanja u Oružane snage (svi uvjeti moraju biti kumulativno ispunjeni) može ostvariti pravo na porodičnu invalidninu pod uvjetima propisanim zakonom, samo ukoliko je postojanje vanbračne zajednice dokazano do 17.11.2007. godine (član 17. stav 1. tačka 7. Zakona a u vezi sa članom 4. Zakona o izmjenama i dopunama). O pravu vanbračnog druga u skladu sa članom 11. stav 1. tačka 7. Zakona i članom 4. Zakona o izmjenama i dopunama, prvostepeni ograni će odlučivati samo u postupku pokrenutom po zahtjevu stranke, kojem uz ostale dokaze, obavezno treba biti priložen i dokaz o postojanju vanbračne zajednice izdat u propisanom roku, isključivo od strane nadležnog suda ili organa socijalne zaštite.

4. *Za udovice mlađe od 45 godina života, odnosno udovce mlađe od 60 godina života, prema članu 20. stav 1. tačka 1. Zakona ubuduće će se cijeniti nesposobnost za privređivanje, što će nadležni organi u prvostepenom, revizionom i drugostepenom postupku navesti u svom zahtjevu Institutu za medicinsko vještačenje zdravstvenog stanja.*



5. U vezi sa izmjenama i dopunama člana 21. stav 4. Zakona prvostepeni organi će po službenoj dužnosti u predmetima porodične invalidnine pribaviti izvode iz matičnih knjiga umrlih u skladu sa članom 27. Zakona o nestalim licima ("Službeni glasnik BiH", br. 50/04) koja su do 17.11.2007. godine proglašena umrlim.

U spornim slučajevima prvostepeni organi će najdalje do 31.01.2008. godine obavjestiti korisnike prava na porodičnu invalidninu da su dužni u roku od 15 dana od dana obavijesti dostaviti izvod iz matične knjige umrlih, uz upozorenje da će se, ukoliko u ostavljenom roku ne dostave traženi dokaz, odlučiti o prestanku prava na porodičnu invalidninu.

Prvostepeni organi će obavijest dostaviti: lično, putem punomoćnika, javnim oglašavanjem, oglašavanjem na oglasnoj tabli općine i sl.

6. a) U članu 21. st. 5. i 6. Zakona je smanjen rok sa pet (5) na tri (3) godine življenja u zajedničkom domaćinstvu članova porodice prije smrti ratnog vojnog invalida od I do IV grupe invaliditeta koji je bio korisnik dodatka za njegu i pomoć od drugog lica, kao i ratnog vojnog invalida od II do VII grupe invaliditeta.

b) Djeca ratnih vojnih invalida i bračni drugovi koji imaju djecu sa umrlim ratnim vojnim invalidom imaju pravo na porodičnu invalidninu bez obzira na vrijeme trajanja zajedničkog življenja sa umrlim ratnim vojnim invalidom, ako su ispunjeni i ostali uvjeti iz st. 5. i 6. tog člana Zakona.

c) Bračni drugovi poginulih ili umrlih branilaca do 31.12.1996. godine, koji nemaju djecu, a mlađi su od 45 godina života i sposobni su za privređivanje, mogu ostvariti pravo na porodičnu invalidninu u iznosu od 43% od osnovice, ukoliko nisu u radnom odnosu, nisu korisnici penzije i ne vrše samostalnu djelatnost. Ukoliko ostvaruju bilo koji od navedenih prihoda mogu ostvariti pravo na porodičnu invalidninu u iznosu od 20% od osnovice.

U postupku po zahtjevu udova u skladu na navednim odredbama Zakona prvostepeni organi sudužni pribaviti sve potrebne dokaze propisane Zakonom u vezi utvrđivanja prava na porodičnu invalidninu, a za dokazivanje prihoda potrebno je pribaviti slijedeće:

- izjave stranke i dva svjedoka uzete na zapisnik od strane prvostepenog organa u skladu sa odredbama ZUP-a, koje se odnose na prihode (da li podnosioc zahtjeva ima ili nema prihode po osnovu radnog odnosa, penzije iz Federacije BiH, Republike Srpske i inostranstva ili prihode od samostalne djelatnosti),

- uvjerenje Biroa za zapošljavanje,

- potvrdu Federalnog zavoda mirovinskog/penzijskog i invalidskog osiguranja kao i potvrdom Javnog fonda penzijsko – invalidskog osiguranja Republike Srpske za povratnike u Republiku Srpsku i lica koja su bila u radnom odnosu u Republici Srpskoj.

- uvjerenje nadležne uprave prihoda.

Svi uvjeti treba da su kumulativno ispunjeni.

- Bračni drugovi umrlih ratnih vojnih invalida (koji su od svoje smrti bili korisnici dodatka za njegu i pomoć od drugog lica), koji su mlađi od 45 godina, sposobni za privređivanje a nemaju djecu, imaju pravo na porodičnu invalidninu u iznosu od 43% od osnovice, bez obzira na uzrok smrti ratnog vojnog invalida (dakle nije potrebno utvrđivati uzročno posljedičnu vezu), ukoliko nisu u radnom odnosu, nisu korisnici penzije i ne vrše samostalnu djelatnost. Ukoliko imaju bilo koji od navedenih prihoda porodična invalidinina iznosi 20% od osnovice.

7. Iza člana 21. Zakona dodaju se tri nova člana i to: čl. 21.a., 21.b. i 21.c. Zakona.

a) Članovi porodice umrlog ratnog vojnog invalida od II do VII grupe invaliditeta (čija smrt nije u uzročno – posljedičnoj vezi sa oštećenjem organizma po osnovu kojig je ostvario status ratnog vojnog invalida) ukoliko nisu u radnom odnosu, imaju pravo na porodičnu invalidninu u iznosu od 50% od mjesečnog iznosa lične invalidnine (bez dodatka) koju je umrli ratni vojni invalid koristio do dana smrti. Ovo pravo mogu koristiti i članovi porodice umrlog ratnog vojnog invalida VIII-X grupe ukoliko nisu u radnom odnosu, bez obzira na uzrok smrti. Supruge umrlih ratnih vojnih invalida ovo pravo mogu koristiti ukoliko su pored navedenih uvjeta živjele u zajedničkom domaćinstvu najmanje tri (3) godine, a ako ovo pravo koriste djeca vrijeme trajanja zajedničkog življenja ne utiče na ostvarivanje prava.

Ako supruga nije u radnom odnosu utvrđuje se jedan iznos porodične invalidnine bez obzira na broj članova domaćinstva (djece). Ukoliko supruga nije živa, za djecu koja ispunjavaju uvjete za



priznavanje prava na porodičnu invalidninu, određuje se jedan iznos porodične invalidnine (50% lične invalidnine umrlog ratnog vojnog invalida).

Nakon podnošenja zahtjeva za priznavanje prava na porodičnu invalidninu prvostepeni organ će kompletirati spise predmeta potrebnom dokumentacijom (rješenje o priznatom svojstvu ratnog vojnog invalida i rješenje o prestanku tog statusa, izvodi iz matičnih knjiga umrlih i vjenčanih, nalaz i mišljenje nadležne ljekarske komisije o nepostojanju uzročne veze između smrti i ranjavanja ili oboljenja po kome osnovu je je cijenjen invaliditet ukoliko je umrli bio ratni vojni invalid od II do VII grupe, pisani dokaz da nisu u radnom odnosu, prijava CIPS-a, izjava stranke i dva svjedoka o zajedničkom življenju i dr.).

Za umrle ratne vojne invalide od VIII-X grupe ne treba pribavljati nalaz i mišljenje ljekarske komisije o uzročno-posljedičnoj vezi, a za umrle ratne vojne invalide od II-VII grupe za koje je u ranijem postupku pribavljen nalaz i mišljenje, već postojeći uložiti u spise predmeta porodične invalidnine.

Prava iz čl. 21.a. i 21.b. mogu koristiti navedeni članovi porodice umrlog ratnog vojnog invalida bez obzira kad je smrt nastupila, a pravo se priznaje od prvog dana narednog mjeseca po podnošenju zahtjeva, ukoliko je zahtjev podnesen poslije 01.01.2008. godine. Ukoliko je zahtjev podnesen prije 01.01.2008. godine pravo pripada od 01.01.2008. godine.

b) Djeca bez oba roditelja kojima je prestalo pravo na porodičnu invalidninu i uvećanu porodičnu invalidninu, mogu koristiti samo pravo na porodičnu invalidninu najdalje do 25. godine života, ukoliko su nezaposlena i nalaze se na evidenciji kantonalne službe za zapošljavanje.

8. U članu 22. Zakona iz stava 6. dodat je stav 7. kojim je propisano (izuzetak) da roditelji ženjenog poginulog, umrlog ili nestalog branioca iza koga nije ostalo potomstvo imaju pravo na porodičnu invalidninu iz člana 22. stav 1. odnosno stav 2. Zakona, ukoliko pravo na porodičnu invalidninu ne koristi bračni drug poginulog zbog stupanja u bračnu odnosno izvanbračnu zajednicu, kao i u slučaju kada je brak prestao prije smrti poginulog, umrlog ili nestalog branioca iz kojeg nije ostalo potomstvo.

Roditelji poginulog ili umrlog branioca iza koga nije ostalo potomstvo mogu ostvariti pravo na porodičnu invalidninu kao roditelji neženjenog poginulog ili umrlog branioca, pod uvjetima propisanim Zakonom, ukoliko pravo na porodičnu invalidninu kao roditelji neženjenog poginulog ili umrlog branioca, pod uvjetima propisanim Zakonom, ukoliko pravo na porodičnu invalidninu ne koristi bračni drug isključivo zbog stupanja u novi brak ili izvanbračnu zajednicu, bez obzira da li bio ili nije bio korisnik porodične invalidnine.

Za dokazivanje ovih činjenica roditelji mogu koristiti sva raspoloživa dokazna sredstva uz obavezno omogućavanje učešća u postupku bračnom drugu poginulog ili umrlog branioca.

Roditelji ženjenog poginulog ili umrlog branioca iza koga nije ostalo potomstvo, a čiji je brak prestao prije njegove smrti, bez obzira na uzrok prestanka braka (razvod braka, smrt i dr.) mogu ostvariti prava na porodičnu invalidninu kao roditelji neženjenog poginulog ili umrlog branioca pod uvjetima propisanim Zakonom.

Roditelji ženjenog poginulog ili umrlog branioca sa dva svjedoka pismenom izjavom datom na zapisnik prvostepenom organu pod krivičnom i materijalnom odgovornošću potvrđuju da poginuli ili umrli branilac nije imao potomstvo u bračnoj niti u izvanbračnoj zajednici.

9. U članu 23. stav 2. Zakona iza riječi "svako" dodaje se riječ "slijedeći" i time su Zakonom o izmjenama i dopunama otklonjene nejasnoće u pogledu visine uvećane porodične invalidnine u slučaju kada je poginulo, umrlo ili nestalo više lica u kome slučaju članovi porodice koji ispunjavaju uvjete za ostvarivanje prava na porodičnu invalidninu imaju pravo na jednu porodičnu invalidninu po sopstvenom izboru, uvećanu za 20% od osnovice za svako slijedeće poginulo lice.

Prvostepeni organi su obavezni po službenoj dužnosti pregledati sve predmete korisnika prava na porodičnu invalidninu po osnovu dva ili više poginulih lica i ukoliko o pravu nije odlučeno pravilnom primjenom člana 23. stav 2. Zakona će obnoviti postupak i donijeti odgovarajuće rješenje koje podliježe reviziji.

10. Iza člana 31. Zakona dodaju se novi članovi i to 31.a. i 31.b. koji se odnose na uvjete pod kojima ratni vojni invalidi mogu ostvariti pravo na invalidsku penziju i punu starosnu penziju.

- član 31.a. Zakona se odnosi na pripadnike oružanih snaga koji su pod uvjetima i na način utvrđen federalnim propisima ostvarili status ratnog vojnog invalida, a kod kojih je utvrđena



nesposobnost za privredivanje i kategorije isključivo kao posljedica oštećenja organizma zbog rane, povrede ili bolesti, po kom osnovu su ostvarili vojni invaliditet i kojima je priznat poseban staž u dvostrukom trajanju, a koji nisu bili osiguranci u vrijeme stupanja u oružane snage, imaju pravo na invalidsku penziju pod uvjetima propisanim u Zakonu o penzijskom i invalidskom osiguranju ("Službene novine Federacije BiH", broj 29/98, 49/00, 32/01, 73/05 i 59/06).

Napomena: članom 31.b. Zakona je propisano da ratni vojni invalidi stiču pravo na punu starosnu penziju sa navršениh 35 godina radnog staža, bez obzira na godine života, odnosno pravo na starosnu penziju kad navršе 55 godina života i najmanje 20 godina penzijskog staža, pod uvjetima i na način propisan Zakonom o penzijskom i invalidskom osiguranju.

Federalni zavod PIO/MIO nadležan je da vodi postupak i donosi rješenje o pravu na penziju.

Upute o uslovima i načinu ostvarivanja prava na penziju mogu se dobiti u nadležnim službama PIO /MIO.

U članu 4. Zakona izmijene se odnose na organ koji će biti nadležan za izdavanje Uvjerjenja o svojstvu (pripadnosti OS) i okolnostima pod kojim je lice iz člana 3. Zakona ranjeno ili povrijeđeno odnosno poginulo, umrlo ili nestalo. Navedena Uvjerjenja će izdavati uposlenici Grupe za pitanja vojne evidencije smještene na području općine na kojoj ta lica imaju prebivalište. Naime, gašenjem Federalnog ministarstva odbrane Sektor za vojne evidencije ovog ministarstva izdaje navedena uvjerenja

Napomena: Federalni ministar za pitanja boraca i invalida odbrambeno oslobodilačkog rata na osnovu člana 17. Zakona o provođenju kontrole zakonitosti korištenja prava iz oblasti boračko – invalidske zaštite je donio:

**PRAVILNIK O POSTUPKU VRŠENJA REVIZIJE** broj: 01-41-4905/15 dana 12.11.2015. godine  
V broj. 1494/205 od 05.11.2015 godine (Službene novine Federacije broj:87/15) na koji je Vlada Federacije BiH dala saglasnost. Pravilnik je stupio na snagu narednog dana od dana objavljivanja u Službenim novinama Federacije BiH kada je prešao da važi raniji Pravilnik o načinu i postupku vršenja revizije (Službene novine Federacije BiH br. 14/10 i 81/10).

Pravilnikom se uređuje način i postupak vršenja provjere i sravnjavanja dokaza iz vojnih evidencija na osnovu kojih se utvrđene odnosno potvrđene činjenice na osnovu na osnovu kojih su priznata prava iz oblasti-boračko-invalidske zaštite i povoljnijeg penzionisanja po propisima iz člana 1. Zakona o provođenju kontrole zakonitosti korištenja prava iz oblasti boračko-invalidske zaštite . U postupku revizije kod provjere validnosti podataka u nadležnim grupama ili kod samostalnih izvršilaca za pitanja evidencija iz oblasti vojne obaveze ili uvida u izvještaj, te nakon sravnjavanja podataka o donošenju ocjene revizorski tim za kontrolu odnosno Revizorski tim za koordinaciju sačinjava zapisnik o sravnjavanju podataka, konstatuje stvarno činjenično stanje i daje nalog grupi ili samostalnom izvršiocu Federalnog ministarstva da izda novo uvjerenje na propisanom obrascu FMB -1 ili FMB-2 ovisno o utvrđenom činjeničnom stanju.

Članu 30. (1.) Pravilnika navodi se da korisnici prava koji su ostvarili pravo po osnovu pogoršanja stanja (član 11. Zakona o pravima branilaca i članova njihovih porodica ), u postupku revizije ne može se utvrditi veći procenat vojnog invaliditeta

(2) Ljekarska komisija kod utvrđivanja stepena invalidnosti za ranjene i zarobljene pripadnike OSBiH, kao i za lica sa područja na kojem je počinjen genocid koji je priznat od Međunarodno suda u Hagu, bez obzira na osnov invaliditeta, koji su već ostvarili pravo i o čemu postoji medicinska dokumentacija u spisu predmeta stepen invalidnosti neće utvrđivati manje od 20% X-grupe. Ukupno 56 RVi-a su izvedeni iz prava a 8 RVi-ponovno uvedeno u pravo.

Po zakonu o izmjenama i dopunama zakona o pravima i branilaca i članova njihovih porodica (Službene novine Federacije BiH broj: 90/17 u članu 61.2.3 i 4 mijenja se i glasi citiram:

Branionicima se smatraju pripadnici Armije Republike Bosne i Hercegovine Hrvatskog vijeća odbrane i policije nadležnog organa unutrašnjih poslova (u daljem tekstu: Oružane snage )koji su učestvovali u odbrani suvereniteta i cjelovitosti Bosne i Hercegovine (početak agresije na općinu Ravno) od 18.09.1991 do 23.12.1996 godine odnosno do prestanka ratne opasnosti i koji su

demobilizirani rješenjem nadležnog vojnog organa, kao i lice koje je učestvovalo u pripremi za odbranu i u odbrani Bosne i Hercegovine.

Dobrovoljcem, se smatra pripadnik vojnih jedinica koje je učestvovalo u pripremi za odbranu i u odbranu Bosne i Hercegovine u period od 18.09.1991 do 09.04.1992godine kao i drugo lice koje nije bilo vojni obveznik u vrijeme dobrovoljnog stupanja Oružane snage i ostalo neprekidno u jedinicama do kraja rata ili je ranije demobilizirano od nadležnog vojnog organa.

Organizatorom otpora, smatra se lice koje je organizovalo i rukovalo u pripremi za odbranu i u odbrani Bosne i Hercegovine, najmanje 100 dana u periodu od 18.09.1991 do 09.04.1992godine a uz to bilo pripadnik Oružanih snaga ili državnih organa i institucija vezanih za odbranu Bosne i Hercegovine najmanje dvije godine, a čiji je status potvrđen od strane Federalnog ministarstva za pitanja boraca i invalida odbrambeno-oslobodilačkog rata.

Veteranom se smatra lice koje je stupilo u jedinice iz stave 1.ovog člana od 18.09.1991.do 31.12.1992.godine i ostalo neprekidno do 23.12.1995 godine ili ranije demobilizirano od nadležnog vojnog organa.

Shodno Zakonu o izmjenama i dopunama Zakona o pravima branilaca i članova njihovih porodica u članu 8 stav 2. briše a odnosi se na dodatak za njegu i pomoć od drugog lica.

Član 11. Kojim se mijenja član 45.citiram.Utvrđivanje da je bolest nastupila ili se pogoršala pod okolnostima iz člana 3 vrši Institut za medicinsko vještačenje zdravstvenog stanja na osnovu pregleda i na osnovu i na osnovu medicinske dokumentacije o liječenju iz ratnog perioda ili iz perioda od 90.dana od dana otpuštanja iz Oružanih snaga.

Član 12.kojim se iza člana 55 dodaju novi član 55a i 55 b koji glasi U svrhu jačanja časti, ugleda i dostojanstva branilaca odbrambeno-oslobodilačkog rata, radi poštivanja principa transparentnosti isplata naknada iz budžeta korisnicima prava iz oblasti branilačko-invalidske zaštite kao i rade bržeg i efikasnijeg ostvarivanje prava branilaca i članova njihovih porodica, Federalno ministarstvo će uspostaviti jedinstveni registar koji se sastoji od popisa branilaca i popisa korisnika prava iz oblasti branilačko-invalidske zaštite koja se finansiraju iz Federalnog budžeta.

Jedinstveni registar predstavlja skup podataka iz člana 2. Ovog zakona, skup podataka o korisnicima prava kao i obradu podataka o svim braniocima i novčanim i drugim primanjama po osnovu pripadnosti branilačkoj populaciji.

Član 55bpropisuje da će Kantoni svojim propisima urediti pitanje uspostave registra korisnika prava iz člana 7. i čl.26.do 31. i drugih prava koja branioci i članovi njihovih porodica ostvaruju ili su ostvarili po propisima kantona i općina kao i pitanje objave podataka korisnika dopunskih prava branilaca i članova njihovih porodica koja se isplaćuju ili su isplaćena iz budžeta kantona i općina.

Nakon upozorenja broj:06-41-3153/17 od 05.12.2017 godine od strane Federalnog ministarstva za pitanja boraca i invalida odbrambeno-oslobodilačkog rata prvostepeni organ je izvršio identifikaciju korisnika boračko-invalidske zaštite sa područja općine Ilidža, ako borave na području drugih općina u Federaciji ili u Republici Srpskoj naši korisnici su dužni dostaviti ovjerenu izjavu o identifikaciji od strane nadležnog organa.Ukoliko borave u inostranstvu obavezni su dostaviti ovjerenu izjavu o indetifikaciji ovjerenu od nadležnog notorijata.Ukoliko korisnici ne dostave izjave o životu ili ne pristupe neposrednoj identifikaciji mi kao prvostepeni organi dužni smo zaključkom privremeno obustaviti isplatu stečenih prava.Dostavili smo tromjesečni izvještaj prema Federalnom ministarstvu za pitanja boraca o izvršenoj identifikaciji i to: porodična invalidnina 698 korisnika i 564 korisnika lične invalidnine.Projekat nastavljamo i dalje naši korisnici su dužni dostaviti svakih šest mjeseci izjavu o identifikaciji ili pristupit neposredno u našu službu.



### 3. PRISUTNE TEŠKOĆE I PRIJEDLOG MJERA

U postupku implementacije naših osnovnih Zakona ostvarujemo smo značajnu saradnju sa Federalnim ministarstvom za pitanja boraca i invalida odbrambeno – oslobodilačkog rata, Ministarstvom za boračka pitanja Kantona Sarajevo u postupcima revizije naših rješenja, sa Odjelom za odbranu općine Ilidža i drugim odjelima na području Federacije u postupcima pribavljanja uvjerenja o okolnostima stradanja pripadnika Oružanih snaga, Prvostepenom ljekarskom komisijom, boračkim udruženjima naše općine, bankama, školama i fakultetima, te drugim organima i institucijama. Federalno ministarstvo za pitanja boraca i invalida odbrambeno-oslobodilačkog rata u toku revizije koja je obavezna po Zakonu o provođenju kontrole zakonitosti korištenja prava iz oblasti boračko-invalidske zaštite (Službene novine Federacije broj: 82/09) dostavlja veliki broj predmeta RVI-a na izjašnjenje našoj službi. Iskaz stranaka na zapisnik ovog organa utiče na promjene prava (povećanje odnosno smanjenje procenta vojnog invaliditeta).

Naša služba provodi projekat Federalnog Ministarstva za pitanja boraca koji se odnosi na provjeru-odnosno identifikaciju svih naših korisnika sa područja federacije, Republike Srpske i inostranstva a sve u cilju provjere da li ispunjavaju uslove za dalje korištenje priznatih prava ukoliko ne zaključkom će se vršiti privremena obustava isplate priznatih prava.

Naša služba preduzima određene mjere i akcije u cilju poboljšanja rada u tom cilju donosimo mjesečne i godišnje planove rada te mjesečne i godišnje izvještaje rada kojim je naš rad dobio na značaju i podignut je na viši nivo, a što smo dužni u skladu ISO standarda 9001:2008, EN ISO14001-2004 i 9001:2015 godine.

Prijedlog Zaključka:

Prihvata se i prima k znanju Informacija o provođenju Zakona o pravima branilaca i članova njihovih porodica i Zakona o posebnim pravima dobitnika ratnih priznanja i odlikovanja i članova njihovih porodica.

OPĆINSKI NAČELNIK

*Prof. dr. Senaid Memić s.r.*

